

«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ԻԶԵՎԱՆԻ ՄԱՍՆԱՃՅՈՒՂԻ
ԳԻՏԱԿԱՆ ԽՈՐՀՐԴԻ

ՈՐՈՇՈՒՄ N 87/5

07-ը մարտի 2026 թվականի

«Երևանի պետական համալսարան» հիմնադրամի Իջևանի մասնաճյուղի շրջանավարտների իրազեկման և ներգրավման քաղաքականությունը հաստատելու մասին

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 23-րդ կետի 5-րդ ենթակետով և «Երևանի պետական համալսարան» հիմնադրամի Իջևանի մասնաճյուղի գիտական խորհրդի աշխատակարգի 4-րդ կետի 5-րդ ենթակետով, «Երևանի պետական համալսարան» հիմնադրամի Իջևանի մասնաճյուղի գիտական խորհուրդը որոշում է.

1. Հաստատել «Երևանի պետական համալսարան» հիմնադրամի Իջևանի մասնաճյուղի շրջանավարտների իրազեկման և ներգրավման քաղաքականությունը համաձայն հավելվածի,
2. Սույն որոշումն ուժի մեջ է մտնում հաստատման պահից:

ԵՊՀ ԻՄ ԳԻՏԱԿԱՆ ԽՈՐՀՐԴԻ ՆԱԽԱԳԱՀ _____ Մ. Մ. ՕԹԱՐՅԱՆ

Հավելված

Հաստատված է

ԵՊՀ ԻՄ գիտական խորհրդի

2026թ. մարտի 07-ի նիստի թիվ 87/5 որոշմամբ

ԵՊՀ ԻՄ գիտական խորհրդի նախագահ _____ Մ. Մ. Օթարյան

**«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ԻԶԵՎԱՆԻ ՄԱՍՆԱՃՅՈՒՂԻ
ՇՐՋԱՆԱՎԱՐՏՆԵՐԻ ԻՐԱԶԵԿՄԱՆ ԵՎ ՆԵՐԳՐԱՎՄԱՆ
ՔԱՂԱՔԱԿԱՆՈՒԹՅՈՒՆ**

1. Ընդհանուր դրույթներ

1. Սույն քաղաքականությունը սահմանում է «Երևանի պետական համալսարան» հիմնադրամի Իջևանի մասնաճյուղի (այսուհետ՝ ԵՊՀ ԻՄ կամ Մասնաճյուղ) շրջանավարտների իրազեկման, նրանց հետ համագործակցության և Մասնաճյուղի գործունեությանը ներգրավման ռազմավարական մոտեցումները, սկզբունքներն ու հիմնական ուղղությունները՝ ԵՊՀ ԻՄ կանոնադրությանը և ներքին իրավական ակտերին համապատասխան:

2. Քաղաքականությունը առնչվում է Մասնաճյուղի բոլոր շրջանավարտներին՝ անկախ ուսուցման ձևից, կրթական ծրագրից կամ ավարտման տարեթվից և տարածվում Մասնաճյուղի այն ստորաբաժանումների վրա, որոնք իրենց գործառնությունների շրջանակներում ներգրավված են շրջանավարտների հետ փոխգործակցության գործընթացներում:

3. Սույն քաղաքականությունը հիմք է հանդիսանում շրջանավարտների հետ աշխատանքի կազմակերպմանն ուղղված ներքին ընթացակարգերի, ծրագրերի և միջոցառումների մշակման համար:

2. Քաղաքականության նպատակը

4. Քաղաքականության հիմնական նպատակն է ձևավորել և զարգացնել Մասնաճյուղի և շրջանավարտների միջև շարունակական, համակարգված և փոխշահավետ համագործակցություն՝ նպաստելով.

- Մասնաճյուղի կրթական, գիտական և հասարակական գործունեության զարգացմանը,
- կրթական ծրագրերի որակի բարելավմանը,
- շրջանավարտների մասնագիտական առաջընթացին և կարիերայի զարգացմանը,
- ենթակառուցվածքների բարելավմանը, որակյալ կադրերի ներգրավմանը:

3. Քաղաքականության հիմնարար սկզբունքները

5. Քաղաքականության հիմնարար սկզբունքներն են.

1) Շարունակականությունը – Մասնաճյուղի և շրջանավարտների միջև կապը դիտարկվում է որպես երկարաժամկետ գործընկերություն:

2) Ներգրավվածությունը – խրախուսվում է շրջանավարտների ակտիվ մասնակցությունը Մասնաճյուղի կառավարման, կրթական և հասարակական գործընթացներին՝ որպես արտաքին շահակիցներ:

3) Թափանցիկությունը և բաց հաղորդակցությունը – ապահովվում է տեղեկատվության մատչելիությունն ու երկկողմանի հաղորդակցումը:

4) Փոխշահավետությունը – համագործակցությունը կառուցվում է Մասնաճյուղի և շրջանավարտների ներուժերի համադրման և ընդհանուր արժեքներ ստեղծելու հիման վրա:

5) Օրինականությունը և տվյալների պաշտպանությունը – շրջանավարտների անձնական տվյալների հավաքագրումն ու մշակումը իրականացվում է գործող օրենսդրության պահանջներին համապատասխան:

4. Քաղաքականության հիմնական ուղղությունները

6. Շրջանավարտների իրազեկման և ներգրավման քաղաքականության իրականացման հիմնական ուղղություններն են.

1) շրջանավարտների համակարգված իրազեկում Մասնաճյուղի գործունեության, կրթական ծրագրերի, նախաձեռնությունների և միջոցառումների վերաբերյալ,

- 2) շրջանավարտների ներգրավում կրթական ծրագրերի մշակման, բարելավման և մշտադիտարկման գործընթացներում,
- 3) շրջանավարտների մասնագիտական կարողությունների զարգացման և կարիերայի առաջխաղացման խթանում՝ վերապատրաստումների և ուղղորդումների միջոցով,
- 4) շրջանավարտների մասնակցության ապահովում Մասնաճյուղի կրթական, գիտական և հասարակական նախաձեռնություններին,
- 5) համագործակցության հարթակների զարգացում, շրջանավարտներին միավորող գործընթացների խրախուսում և շրջանավարտների կայուն համայնքի ձևավորում:

5. Քաղաքականության իրագործման ընդհանուր մոտեցումները

7. Մասնաճյուղը խթանում է շրջանավարտների մասնակցությամբ կրթական, գիտական և հասարակական միջոցառումների կազմակերպումը:

8. Աջակցվում են մենթորության, փորձի փոխանակման և համատեղ նախագծերի իրականացման նախաձեռնությունները:

9. Ապահովվում են հետադարձ կապի մեխանիզմներ՝ շրջանավարտների կարծիքների, առաջարկությունների և գնահատականների հավաքագրման նպատակով, այդ թվում՝ ամեն տարի «Շրջանավարտների օր» միջոցառման կազմակերպման միջոցով:

6. Տեղեկատվական և հաղորդակցման քաղաքականություն

10. Շրջանավարտների իրազեկումն իրականացվում է Մասնաճյուղի պաշտոնական հաղորդակցման միջոցների և սոցիալական հարթակների միջոցով՝ ապահովելով տեղեկատվության ամբողջականություն և հասանելիություն:

7. Կառավարում և պատասխանատվություն

11. Սույն քաղաքականության իրականացման ընդհանուր համակարգումն ապահովում են ֆակուլտետները՝ Մասնաճյուղի ստորաբաժանումների փոխհամագործակցված աշխատանքի միջոցով:

12. Քաղաքականության իրականացման շրջանակում ստորաբաժանումների գործառույթներն ու պարտականությունները սահմանվում են համապատասխան ներքին իրավական ակտերով:

8. Եզրափակիչ դրույթներ

13. Սույն քաղաքականությունը ենթակա է պարբերական վերանայման և արդիականացման՝ հաշվի առնելով Մասնաճյուղի զարգացման ռազմավարությունը, արտաքին փոփոխությունները և շրջանավարտների հետ համագործակցության արդյունավետության վերաբերյալ հետադարձ կապը: